



SAVEZ RAČUNOVOĐA, REVIZORA I FINANSIJSKIH RADNIKA FBIH
SAVEZ RAČUNOVOĐA, REVIZORA I FINANSIJSKIH DJELATNIKA FBIH

KNEZA VIŠESLAVA bb, 88 000 Mostar, tel/fax: 036/318-660, 036/334-184
e-mail: info@ srr-fbih.org
ISEVIĆA SOKAK 4, 71000 SARAJEVO
tel/fax: 033/572-650, 033/572-651, e-mail: sarajevo@srr-fbih.org
web: www.srr-fbih.org

Na osnovu člana 6. Zakona o računovodstvu i reviziji Bosne i Hercegovine ("Službeni glasnik BiH", broj 42/04), člana 7. stav 4. Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 83/09), Upustva o osnovama i kriterijima kontinuirane profesionalne edukacije („Službeni glasnik BiH“, br. 42/09 i 4/10), člana 6. i 27. Statuta Saveza računovođa, revizora i finansijskih radnika Federacije Bosne i Hercegovine (u daljem tekstu: Savez) i Pravilnika o kontinuiranoj edukaciji, Upravni odbor Saveza objavljuje sljedeći:

JAVNI POZIV

potencijalnim izvođačima kontinuirane profesionalne edukacije u 2011. godini

Svaki član računovodstvene profesije i srodnih djelatnosti (profesija), dužan je da realizira - pohađa kontinuirano profesionalno obrazovanje u okviru kriterija koji je utvrdila Komisija za računovodstvo i reviziju BiH.

Svi članovi računovodstvene i srodnih profesija su dužni ispuniti kriterij profesionalne edukacije (KPE) u trajanju od najmanje 40 bodova/sati godišnje.

KPE se provodi kao samostalno obrazovanje (individualna edukacija) i organizirana edukacija (sudjelovanje na seminarima, simpozijima i drugim organiziranim vidovima edukacije).

U Program kontinuirane profesionalne edukacije ulaze samo oni organizirani oblici edukacije (seminari, radionice, savjetovanja, škole, simpoziji, kongresi, kursevi i dr.) koji su kao takvi priznati od strane Upravnog odbora Saveza.

Prema Pravilniku o kontinuiranoj profesionalnoj edukaciji, izvođenje KPE se može odobriti svim potencijalnim izvođačima – pravnim licima koja se prethodno obrate Upravnom odboru Saveza s prijedlogom tema koje će se izvoditi putem svakog pojedinog organiziranog oblika edukacije (seminar, radionica, savjetovanje, škola, simpozij, kongres, kurs i dr.) a koje Upravni odbor Saveza prethodno prizna i odobri kao Program kontinuirane profesionalne edukacije.

Svi priznati i odobreni vidovi KPE imaju se obavljati uz korištenje imena Saveza i uz odgovarajuću naknadu Savezu, čiju visinu određuje Upravni odbor Saveza.

U skladu sa navedenim, pozivamo sva pravna lica koja žele biti izvođači KPE u 2011. godini da Upravnom odboru Saveza dostave **okvirni prijedlog** oblika i sadržaja edukacije koje namjeravaju organizirati u toku 2011. godine.

Za priznavanje pojedinačnih programa i sadržaja KPE u toku 2011. godine naknadno će se Upravnom odboru Saveza dostavljati posebni zahtjevi, najmanje 10 dana prije početka izvođenja svakog pojedinačnog programa za koji se traži odobrenje.

Okvirni godišnji prijedlog i naknadni pojedinačni zahtjevi za priznavanje programa KPE trebaju sadržavati:

- 1) **oblik edukacije** (npr. seminar, savjetovanje, simpozij, radionica, kurs i sl.) i njihovo **vremensko trajanje**;
- 2) **sadržaj edukacije** koji se može sastojati od:
 - računovodstva, revizije, finansija i drugih s njima povezanih znanja;
 - organizacijskih i poslovnih znanja i
 - znanja i kompetentnosti u oblasti informacijskih tehnologija.

Detaljni sadržaj pojedinih oblasti utvrđen je u Upustvu o osnovama i kriterijima kontinuirane profesionalne edukacije u BiH („Službeni glasnik BiH“, br. 42/09 i 4/10).

- 3) prijedlog broja sati/bodova koji će se priznati polaznicima edukacije, sukladno Pravilniku o kontinuiranoj profesionalnoj edukaciji;
- 4) opis nastavnih metoda i korištenih učila;
- 5) popis predavača s njihovim kratkim CV i predavačkim referencama;
- 6) rješenje o registraciji (ovjerena kopija ne starija od 6 mjeseci).

Kriteriji na bazi kojih se predložena nastava odobrava i priznaje kao dio Programa KPE su:

- 1) aktuelnost i sadržaj tema;
- 2) reference predavača i pravnog lica/organizatora;
- 3) kvalitet nastavnih metoda i učila.

Upravni odbor Saveza zadržava i pravo da u Program KPE odobri i prizna samo dio predloženih tema i/ili odredi broj sati/bodova koji se priznaju za pojedinu temu.

Ovaj javni poziv je stalno otvoren do konca 2011. godine.

U Mostaru, 30. 12. 2010. godine

Broj: JP-1/12-10